



# *Kattusseqatigiit Partiiat*

18 januar 2012

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

## **Naalakkersuisunut apeqqutit:**

Naalakkersuisut nunatsinni aalisakkanut tukertitsiveqalersinnaanermut periarfissanik misissuisitsinissamik eqqarsaasersuuteqarnerlutik?

(Inatsisartunut ilaasortaq Knud Fleischer, Kattusseqatigiit Partiiat)

## **Tunngavilersuut:**

Naluneqanngitsutut ukiuni kingullerni silap pissusaata allanngornerata kingunerisaanik pissutsit aamma aalisarnerup piniarnerullu iluani allannguuteqarput.

Aamma silap immallu kiannerulernerisa kingunerisaannik Sermersuup aakkiartornera sukkanerulersimavoq.

Sorpassuit eqqartorneqarsinnaangaluarput, kisianni silap pissusaata allanngoriartornera assigiinngitsutigut aamma ajornartorsiutinik nassataqaraluartoq, taamaattoq siunissami periarfissaasinnaasut aamma atorluarneqarsinnaasut tamaasa atorluarniartariaqarivut Kattusseqatigiit Partiianiit isumaqarpugut. Taamaattumik silap kissakkiartornera aamma atorluarumallugu aalisakkanut tukertitsiveqalersinnaanermut periarfissanut tunngasut pillugit misissuisoqarnissaat soqutigalugu matumuuna apeqquteqaateqarfingaarput.